

四庫全書

經部

欽定四庫全書

經部

陳氏禮記集說卷一

詳校官通政使_臣夢吉

給事中_臣溫常統復勘

總校官編修_臣王燕緒

校對官主事_臣雷純

謄錄監生_臣徐斡

欽定四庫全書

經部四

禮記集說

禮類三 禮記之屬

提要

臣等謹案禮記集說十卷元陳澠撰澠字可

大都昌人宋亡不仕教授鄉里學者稱雲莊先生其書衍繹舊聞附以己見欲以坦明之說取便初學而於度數品節擇焉不精語焉不詳後人病之蓋自漢以來治戴記者百數

十家惟衛湜集說徵引極審頗為學者所推許湜是書雖襲其名而用意不侔博約亦異觀其自序謂鄭氏祖識緯孔疏惟鄭之從為可恨又以應鏞纂義於雜記等篇闕而不釋為非亦不為無見第述其家學稱其父師事雙峯以是經三領鄉書為名進士則其志趣固專為帖括之助耳明初與注疏並頒學官用以取士後乃專用是書迄今因之朱睦㮮

授經圖作十六卷朱彛尊經義考作三十卷
殆本各不同今卷蓋仍明時監板之舊云乾隆
四十六年十月恭校上

總纂官臣紀昀 臣陸錫熊 臣孫士毅

總校官 臣陸費墀

禮記集說序

前聖繼天立極之道莫大於禮後聖垂世立教之書亦莫先於禮禮儀三百威儀三千孰非精神心術之所寓故能與天地同其節四代損益世遠經殘其詳不可得聞矣儀禮十七篇戴記四十九篇先儒表章學庸遂為千萬世道學之淵源其四十七篇之文雖純駁不同然義之淺深同異誠未易言也鄭氏祖識緯孔疏惟鄭之從雖有他說不復收載固為可恨然其灼然可據者不

可易也近世應氏集解於雜記大小記等篇皆闕而不
釋噫慎終追遠其關於人倫世道非細故而可略哉先
君子師事雙峰先生十有四年以是經三領鄉書為開
慶名進士所得於師門講論甚多中罹煨燼隻字不遺
不肖孤僭不自量會萃衍繹而附以臆見之言名曰禮
記集說蓋欲以坦明之說使初學讀之即了其義庶幾
章句通則蘊奧自見正不必高為議論而卑視訓詁之
辭也書成甚欲就正於四方有道之士而衰年多疾遊

歷良艱姑藏巾苟以俟來哲治教方興知禮者或有取
焉亦愚者千慮之一爾至治壬戌良月既望後學東匯
澤陳澹序

欽定四庫全書

禮記集說卷一

元 陳澧 撰

曲禮上第一

經曰曲禮三十言節月之委曲其多如是也此即古禮經之篇名後人以編簡多故分為上下

張子曰物我兩盡自曲禮入

曲禮曰毋不敬儼若思安定辭安民哉

毋禁止辭朱子曰

肯章言君子修身其要在此三者而其效足以安民乃禮之本故以冠篇范氏曰經禮三百曲禮三千可以一言蔽之曰毋不敬程子曰心定者其言安以舒不定者其辭輕以疾劉氏曰篇首

三句如曾子所謂君子所貴乎道者三而遵丘之事則有司存之意蓋先立乎其大者也母不敬則動容貌斯遠暴慢矣儼若思則正顏色斯近信矣安定辭則出辭氣斯遠鄙倍矣三者修身之要為政之本此君子修己以敬而其效至於安人安百姓也母與無通下同冠去聲遠去聲教不

可長欲不可從志不可滿樂不可極

朱子曰此篇雖取諸書精

要之語集以成篇雖大意相似而文不連屬如首章四句乃曲禮古經之言教不可長以下四句不知何書語又自為一節皆禁戒之辭應氏曰敬之反為教情之動為欲志滿則溢樂極則反教

去聲長上聲從音縱樂音洛

賢者狎而敬之畏而愛之愛而知其

惡憎而知其善積而能散安安而能遷

朱子曰此言賢者於其所

狎能敬之於其所畏能愛之於其所愛能知其惡於其所憎能知其善雖積財而能散施雖安安而能徙義可以為法與工下文禁戒之辭不同應氏曰安安者隨所安而安也安者仁之順遷者義之法施去聲臨

財母苟得臨難母苟免狼母求勝分母求多

母苟得見利思義也

母苟免守死善道也很無求勝怨思難也分無求多不患寡而患不均也況求勝者未必能勝求多者未必能多徒為失已也

難分並去聲

疑事毋質直而勿有

朱子曰兩句連說為是疑事無實即

少儀所謂毋身質言語也直而勿有謂陳我所見聽彼法擇不可據而有之專務強辯不然則是以身質言語

矣少

若夫坐如尸立如齊

疏曰尸居神位坐必矜莊坐法必當如尸之坐人之

倚立多慢不恭雖不齊亦當如祭前之齊朱子曰劉原父云此乃大戴禮曾子事父母篇之辭曰孝子惟巧

變故父母安之若夫坐如尸立如齊弗訕不言言必齊
色此成人之善者也未得為人子之道也此篇益取彼
大而若夫二字失於刪去鄭氏不知其然乃謂此二句
為大夫之事誤矣夫音扶後俱倣此齊音齋疏去聲
後亦倣此齊禮從宜使從俗鄭氏曰事不可常也呂
氏曰敬者禮之常禮時為
大時者禮之變體常盡變則達之天下周旋無窮應
氏曰大而百王百世質大損益之時小而一事一物泛
應酬酢之節又曰五方皆有性千里不同風所
以入國而必問俗也使去聲泛應之應去聲夫禮者
所以定親疏決嫌疑別同異明是非也疏曰五服之內

者為親小功以下服精者為疏若妻為女君舅女君為
妻若服之則太重降之則有舅姑為婦之嫌故全不服
是決嫌也孔子之喪門人疑所服子貢請若喪父而無
服是決疑也本同今異姑姊妹是也不異今同世母叔

母及子婦是也得禮為是失禮為非若主人未小飲子
游謁褻而弔得禮是也曾子襲褻而弔失禮非也別

必列切為女為妻為婦之禮不妄說人不辭費求以悅人己失

為去聲期音基飲去聲處心之正況妄乎不妄悅人則知禮矣躁人之辭多君
子之辭達意則止言者煩聽者必厭說音悅處工聲

禮不踰節不侵侮不好狎踰節則招辱侵侮則忘讓好狎則忘敬三者皆叛禮之事

不如是則有以持其莊敬純實之誠而遠於恥辱矣修身踐言謂之善

行行修言道禮之質也人之所以為人言行而已忠信之人可以學禮故曰禮之質也

於道也鄭氏曰言道言合禮聞取於人不聞取人禮聞來學

不聞往教朱子曰此與孟子治人治於人食人食於人語意相類取於人者為人所取法也取人者

人不來而我引取之也來學往道德仁義非禮不成猶

教即其事也

治平聲食音嗣

路也事物當然之理人所共由故謂之道行道而有得

於身故謂之德仁者心之德愛之理義者心之制事之

宜四者皆由禮而人以禮而成

教訓正俗非禮不備立教

於工示訓於下皆所以正民俗然非齊之分爭辯訟非

禮不決

朱氏曰爭見於事而有曲直分爭則曲直不相交訟形於言而有是非辯訟則是非不相敵禮

所以正曲直明是非故此二君臣上下父子兄弟非禮

者非禮則不能決

見音現

不定

一主於義

一主於恩

官學事師非禮不親

官仕也仕與學

皆有師事師所以明道班朝治軍涖官行法非禮威嚴

也而非禮則不相親愛

不行

班朝廷工下之位治軍旅左右之局分職以涖官謹守以行法威則人不敢犯嚴則人不敢違四者

非禮

則威嚴不行

禱祠祭祀供給鬼神非禮不誠不莊

朝治並平聲

禱以求為意祠以丈為主祭以養為事祀以安為道四者皆以供給鬼神誠出於心莊形於貌四者非禮則不

誠不莊

今按供給者謂奉薦牲幣器皿之類也

是以君子恭敬撙節退讓以

明禮

是以承上文而言撙裁抑也禮主其減撙祖本切

鸚鵡能言不離飛鳥猩

猩能言不離禽獸今人而無禮雖能言不亦禽獸之心

乎夫惟禽獸無禮故父子聚麀

鸚鵡鳥之慧者隴蜀嶺南皆有之猩猩人面而赤

身出交趾封谿等處禽者鳥獸之總名鳥不可曰獸獸亦可曰禽故鸚鵡不曰獸而猩猩則通曰禽也聚猶共

也獸之牝者曰鹿

離

是故聖人作

為禮以教人使

人以有禮知自別於禽獸

朱子曰聖人作絕句別必列切

大上貴

德其次務施報禮尚往來往而不來非禮也來而不往

亦非禮也

太上帝皇之世但貴其德足以及人不貴其報其次三王之世禮至三王而備故以施報

為尚

施去聲

人有禮則安無禮則危故曰禮者不可

下同大音奉

不學也

禮者安危之所係自天子至於庶人未有無禮而安者也

夫禮者自卑而尊

人雖負販者必有尊也而況富貴乎

負者事於力販者事於利雖卑賤不

可以無禮也

富貴而知好禮則不驕不淫貧賤而知好

販方萬切

禮則志不懾

馬氏曰富貴之所以驕淫貧賤之所以懾怯以內無素定之分而與物為輕重也好

禮則有得於內而在外者莫能奪矣 好去聲懾之涉切分音問

人生十年曰幼學二

十曰弱冠三十曰壯有室四十曰強而仕五十曰艾服

官政六十曰耆指使七十曰老而傳八十九十曰耄七

年曰悼悼與耄雖有罪不加刑焉百年曰期頤

朱子曰十年曰

幼為句絕學字自為一句下至百年曰期皆然

呂氏

曰五十曰艾髮之蒼白者如艾之色也古者四十始命

之仕五十始命之服官政仕者為士以事人治官府之

小事也服官政者為大夫以長人與聞邦國之大事者也才可用則使之仕德成乃命為大夫也耆者稽久之

稱不自用力惟以指意使令人故曰指使傳謂傳家事

於子也耄昏忘也悼憐愛也耄者老而知已哀悼者幼而知未及雖或有罪情不出於故故不加刑人壽以百年為期故曰期飲食居處動作無不待於養故曰頤冠去聲治平聲長工聲與去聲令平聲知音智大

夫七十而致事

致還其職事於君也

若不得謝則必賜之几杖得

謝謂君不許其致事也如辭謝代謝亦皆却而退去之義几所以馮杖所以倚賜之使自安適也馮與憑同

行役以婦人適四方乘安車

疏曰婦人能養人故許自隨古者四馬之車立乘安

車者一馬小車坐乘也

自稱曰老夫於其國則稱名

呂氏曰老夫長老者之稱

已國稱名者父母之邦不取以尊者自居也

越國而問焉必告之以其制氏

曰一國有賢衆國所仰故越國而來問大獻不足則言禮無證故必告之以其制言舉國之故事以答之也

謀於長者必操几杖以從之長者問不辭讓而對非禮

也

謀於長者謂往就長者而謀議所為也長者之前當執謙虛不辭讓非事長之禮應氏曰操几杖以從

非謂長者所無也執子弟之役其禮然耳

長工聲操平聲

凡為人子之禮冬溫而

夏清昏定而晨省在醜夷不爭

溫以禦其寒清以致其涼定其衽席省其安否

醜同類也夷平等也一朝之怨忘其身則害及其親故在羣衆儕輩之中壹於遜讓清七性切省悉井切

夫為人子者三賜不及車馬故州閭鄉黨稱其孝也兄

弟親戚稱其慈也僚友稱其弟也執友稱其仁也交遊

稱其信也

言為人子謂父在時也古之仕者一命而受爵再命而受衣服三命而受車馬有車馬則

尊貴之體貌備矣今但受三賜之命而不與車馬同受
故言不及車馬也君之有賜所以禮其臣子之不受不
敢並於親也二十五家為閭四閭為族五百家為黨二
千五百家為州一萬二千五百家為鄉孝之所該者大
故其稱最廣曰慈曰弟曰仁曰信皆孝之事也僚友官
同者執友志同者同師之友其執志同故曰執友交遊
則泛言遠近之往來者弟去聲見父之執不謂之進不敢進不謂之

退不敢退不問不敢對此孝子之行也

父之執父同志之友也謂之命

之也敬之同於父行去聲

夫為人子者出必告反必面所遊必有

常所習必有業

出則告違反則告歸又以自外來欲省顏色故言面遊有常身不他往也習有

業心不他用也告音枯

恒言不稱老

恒言平常言語之間也自以老稱則尊同於父母而父母

為過於老矣古入所以班衣
娛戲者欲安父母之心也
年長以倍則父事之十年

以長則兄事之五年以長則肩隨之
肩隨並行而差退也此泛言長少之

序非謂親者
長工聲差楚宜切少去聲
羣居五人則長者必異席
古者地數橫席

而容四人長者居席端若五
人會則長者一人異席也
為人子者居不主與坐不

中席行不中道立不中門
室西南隅為奧主與中席皆尊者之道也行道則或左或

右立門則避根闕之中皆不敢迹尊者之所行也古者
男女異路路各有中門中央有闕闕之兩旁有根也

闕魚
列切
食饗不為緊
食饗如奉親延客及祭祀之類皆是不為槩量順親之心而不敢自為限

節也
食音嗣緊
丘蓋切又音蓋
祭祀不為尸
呂氏曰尸取主人之子行而已若主人之子是

使父北面而事之

人子所行音杭

聽於無聲視於無形

先意承志也

跽曰雖聽而不聞父母之聲雖視而不見父母之形不然常於心想像似見形聞聲謂父母將有教使已然不

登高不臨深不苟訾不苟笑孝子不服闇不登危懼辱

親也

二則生不服闇者不行事於暗中一則為卒有非常

苟笑近於諂服闇者欺人所不見登危者行險以微幸是忘親也非特忘之不令之名且將加之皆辱道也

訾音紫闇音暗為去聲卒蒼沒切

父母存不許友以死不有私財

不許友以

死謂不為其友報仇也親在而以身許人是有忘親之心親在而以財專已是有離親之志為離並去聲

為人子者父母存冠衣不純素

疏曰冠純冠飾也衣純深衣領緣也純音準

下同緣去聲

孤子當室冠衣不純采

呂氏曰當室謂為父後者問喪曰童子不總唯

當室總亦指為父後者所謂不純采者雖除喪猶純素也惟當室者行之非當室者不然也

幼子常

視毋誑

視與示同常示之以不欺誑所以習其誠

童子不衣裘裳立必正

方不傾聽

呂氏曰裘之溫非童子所宜裳之飾非童子所便立必正所向之方或東或西或南或北

不偏有所向士相見禮云凡燕見於君必辨君之南面若不得則正方不疑君疑謂邪向之也衣去聲燕見

見音

長者與之提攜則兩手奉長者之手負劍辟咡詔

之則掩口而對

劉氏曰長者或從童子背後而俯首與之語則童子如負長者然長者以手挾

童子於脅下則如帶劍然蓋長者俯與童子語有負劍之狀非真負劍也辟偏也咡口旁詔告語也掩口而對

謂童子當以手障口氣而應對不敢使氣觸
長者也

奉工聲辟音僻呬音二應去聲

從於先生

不越路而與人言遭先生於道趨而進正立拱手先生

與之言則對不與之言則趨而退

呂氏曰先生者父兄之稱有德齒可為人

師者猶父兄也故亦稱先生以師為父兄則學者自比於子弟故稱弟子

從長者而上

丘陵則必鄉長者所視登城不指城上不呼

高而有向背者為丘

平而人可陵者為陵鄉長者所視恐有問則即所見以對也城人所恃以為安固者有所指則惑見者有所呼

則駭聞者

石梁王氏曰先生年德俱高又能教道

者長者則直以年為稱也從去聲工工聲鄉呼並去

聲背音仰

將適舍求母固

戴氏曰就館者誠不能無求於主人然執平日之所欲而

必求於人則將上堂聲必揚戶外有二屨言聞則入言

非為客之義

工堂升主人之堂也揚其聲者使內人知之也古人脫屨在戶外客雖衆脫屨於戶

不聞則不入內者惟長者一人言有二屨則并戶內一屨為三人矣

三人而所言不聞於外必是密謀故不入也

工上聲

屨音據俗混作工聲開去聲

將入戶視必下入戶奉局視瞻毋回戶

開亦開戶闔亦闔有後入者闔而勿遂

入戶入主人之戶也視下不舉

目也局門闔木也入戶之時兩手當心如奉局然雖視瞻而不為迴轉嫌於十人之私也開闔皆如前不違主人之意也遂闔之盡也嫌於拒後來者故勿遂

奉工聲

母踐屨毋踏席樞衣趨隅

必慎唯諾

履下曰鳥單下曰屨母踐屨謂後來者不可躅先入者所脫之屨也踏猶躅也玉藻曰登

席不由前為躡席是登席當由前也。樞提也。樞衣與論語攝齊同。欲便於坐故。樞之趨隅由席角而升坐也。唯諾皆應。辭既坐定又當謹於應對也。音迹。樞苦侯切。唯工聲。齊音咨。應去聲。踏大夫士出入

君門由闢右不踐闕

闕門樞也。當門之中。闕東為右。主人入門而右。客入門而左。大夫士

由右者以臣從君不敢以賓敵主也。闕魚列切。

凡與客入者每門讓於客

至於寢門則主人請入為席然後出迎客客固辭主人

肅客而入

讓於客欲客先入也。為猶布也。疏曰天子五門諸侯三門大夫二門禮有三辭初曰禮

辭再曰固辭三曰終辭

呂氏曰肅客者俯手以揖之所謂肅拜也

主人入門而右客入

門而左主人就東階客就西階客若降等則就主人之

階主人固辭然後客復就西階

入右所以趨東階入左所以趨西階降等者其

等列卑於主人也主人固辭者不敢當客之尊已也主人與客讓登主人先登客

從之拾級聚足連步以上上於東階則先右足上於西

階則先左足

讓登欲客先升也客不敢當故主人先而客繼之拾級涉階之級也聚足後足與前

足相合也連步步相繼也先右先左各順入門之左右也拾音涉上並工聲帷薄之外不趨

堂上不趨執玉不趨堂上接武堂下布武室中不翔

疏曰

帷幔也薄簾也接武足迹相接也陳氏曰大者上之道武者下之道故足在體之下曰武卷在冠之下亦曰

武執玉不趨不敢趨也室中不翔不可翔也行而張拱曰翔朱氏曰帷薄之外無人不必趨以示敬堂上地

迫室中地尤迫故不趨不翔也

並坐不橫肱授立不跪授坐不立橫肱則妨

並坐者不跪不立皆謂不便於受者

凡為長者糞之禮必加帚於箕上以

袂拘而退其塵不及長者以箕自鄉而扱之

糞除穢也少儀云婦

席前曰拚義與糞同呂氏讀扱為掃音然凡氣之出入嘘則散吸則聚今以收斂為義則吸音為是疏曰初

持箕往時帚置箕上兩手舉箕當掃時一手捉帚舉一手衣袂以拘障於帚前且掃且遷故云拘而退扱斂取

也以箕自向斂取糞穢不以箕向尊者為去聲帚奉之手切拘音溝又如字鄉去聲下同扱音吸掃去聲奉

席如橋衡

如橋之高如衡之平乃奉席之儀也奉工聲橋如字

請席何鄉請衽

何趾

設坐席則問而向何方設卧席則問足向何方疏曰坐為陽面亦陽也卧為陰足亦陰也故所請

不席南鄉北鄉以西方為上東鄉西鄉以南方為上

朱子

曰東向南向之席皆尚右西向北向之席皆尚左也若非飲食之客則布席席間

函丈

非飲食之客則是講說之客也疏曰古者飲食

燕享則賓位在室外牖前列席南向不相對相對者惟講說之客席之制三尺三寸三分寸之一則兩席并中間空地共一丈也間從月俗從日誤函音咸空

去聲主人跪正席客跪撫席而辭客徹重席主人固辭客

踐席乃坐

跪而正席敬客也撫以手按止之也客不敢居重席故欲徹之主人固辭則止客踐席將

坐主人乃坐也重平聲主人不問客不先舉

席坐既定主人以客自外至當先有所問

客乃答之客不當先舉言也

將即席容無作兩手握衣去齊尺衣毋

撥足毋蹶

劉氏曰將就席須詳緩而謹客儀毋使有失而可愧怍也仍以兩手捫揭衣之兩旁使下

齊離地一尺而坐以便起居免有躡躑失容也坐後更須整疊前面衣衽毋使撥開又占人以膝坐久則膝不

安而易以蹶動坐而足動亦為失容故戒以無動也管寧坐席歲久惟兩膝著處穿是足不動故然耳齊音

咨撥半末切離易並去聲著直略切先生書策琴瑟在前坐而遷之戒勿

越疏曰坐亦跪也弟子將行若遇師諸物或當已前則跪而遷移之戒慎不得踰越虛坐盡後

食坐盡前坐必安執爾顏長者不及毋僂言

古者席地而俎豆在

其前盡後謙也盡前恐汙席也僂暫也亦參錯不齊之貌長者言事未竟未及其他少者不可舉他事為言暫

然錯離長者之說盡子忍切僂仕鑑切

正爾容聽必恭毋勦說毋雷同必

則古昔稱先王

上言執爾顏謂顏色無或變異此言正爾容則正其一身之容貌也聽必恭亦

謂聽長者之言也擎取他人之說以為已說謂之勦說聞人之言而附和之謂之雷同如雷之發聲而物同應

之也惟法則古昔稱述先王乃為善耳勦初交切擎攬同和去聲侍坐於先生先生問

焉終則對

問終而後對欲盡聞所問之旨且不敢雜亂尊者之言也請業則起請益

則起

請業者求當習之事請益者再問未盡之蘊起所以致敬也

父召無諾先生召

無諾唯而起

父以恩師以道故所敬同曰諾者許而未行也

唯上聲

侍坐於

所尊敬毋餘席見同等不起

所尊敬謂先生長者及有德有位之人也毋餘席謂

已之席與尊者之席相近則坐於其端不使有空餘處近則應對審也同等之人與已無尊卑故不為之起

空去 燭至起食至起上客起

燭至而起以時之變也食至而起以禮之行也上客

至而起以其非同等也

燭不見跋

跋本也古者未有蠟燭以火炬照夜將盡則藏其所餘之殘本

恐客見之以夜久欲辭退也 見音現跋音鉞

尊客之前不叱狗

方氏曰不以至賤駭尊者

聽讓食不唾

嫌於似鄙惡主人之饌也 唾吐卧切惡去聲

侍坐於君子君子

欠伸捫杖屨視日晡莫侍坐者請出矣

氣乏則欠體疲則伸捫猶待也

此四者皆厭倦之客恐妨君子就安故請退 捫須充切莫音暮

侍坐於君子君子問

更端則起而對

呂氏曰問更端則起而對者因事有所變而起敬也 更平聲

侍坐於

君子若有告者曰少閒願有復也則左右屏而待

居左則屏

於左居右則屏於右

鄭氏曰復白也言欲須少空開
有所白也屏猶退也 呂氏曰屏而待不敢干其私也

音丙空去聲

屏母側聽母噉應母淫視母怠荒

上言聽必恭側耳以

聽非恭也應答之聲宜和平高急者悖戾之所發也淫
視流動邪眄也怠荒謂容止縱慢 噉音咄應去聲

遊母倨立母跛坐母箕寢母伏

遊行也倨傲慢也立當
而足整齊不可偏任一

足箕謂兩展其足狀如箕舌也
伏覆也 倨音據跛彼義切

斂髮母髻

疏曰髻髮也
垂如髮也古

人重髮以繩韜之不使
垂 髻音替髮音避

冠母免勞母袒暑母褰裳

喪有
喪冠

吉有吉冠非當免之時不可免有袒而露其褌衣者有
袒而割牲者因勞事而袒則為褻褻褌也涉淺而揭則
可暑而揭其
裳亦為褻 侍坐於長者屨不上於堂解屨不敢當階

侍長者之坐於堂故不敢以屨升若長者在室則屨得上堂而不得入室戶外有二屨是也解脫也屨有恭繫

解而脫之不敢當階為妨後升者

就屨跪而舉之屏於側

疏曰此侍者或獨暫退時

取屨法也就猶著也初升時解置階側今下著之先往階側跪舉取之故云就屨跪而舉之也屏於側者屏退

不當階也

音丙著八聲

鄉長者而屨跪而遷屨俯而納屨

此疏曰

少者禮畢退去為長者所送則於階側跪取屨稍移之

而向長者而著之遷徙也就階側跪取稍移近前也俯而納者既取因俯身向長者而納足著之不跪者跪則足向後不便故俯也雖不並跪亦坐左納右坐右納左

離坐離立毋往參焉離立者不出中間

方氏曰兩相麗之謂離三相成

之謂參

應氏曰出其中間則立者必

散而不成列矣故君子謹之

離平聲男女不雜坐不

同梳栊不同巾櫛不親授

內則註云植者曰櫛橫者曰梳與架同置衣服之具也

中以浣潔櫛以理髮此四者皆所以遠私褻之

嫗梳音移栊音架櫛戶昆切音同渾遠去聲嫂叔不

通問諸母不漱裳

不通問無問遺之往來也諸母父妾之有子者漱浣也裳賤服不使漱裳

亦敬父之道也漱平聲遺去聲

外言不入於梱內言不出於梱

梱門限也

內外有限故男不言內女不言外

女子許嫁纓非有大故不入其門

許嫁

則繫以纓示有所繫屬也此與幼所佩香纓不同大故大事也屬音燭

姑姊妹女子子已

嫁而反兄弟弗與同席而坐弗與同器而食

女子子重言子者別

於男子也專言兄弟者遠同等之嫗遠去聲

父子不同席

尊卑之等異也

男女非有

行媒不相知名非受幣不交不親

行媒謂媒氏之往來也名謂男女之名也

受幣然後親交之禮分定分音問

故日月以告君齊戒以告鬼神為酒

食以召鄉黨僚友以厚其別也

日月娶婦之期也媒氏書之以告於君厚其別

者慎重男女之倫也別披列切

取妻不取同姓

鄭氏曰為其近禽獸取去聲下取妻同

故買妾不知其姓則卜之

卜其吉凶

寡婦之子非有見焉弗

與為友

有見才能卓異也若非有好德之實則難以避好色之嫌故取友者謹之見音現好去聲

賀取妻者曰某子使某聞子有客使某羞

呂氏曰賀者以物遺人而

有所慶也著代以為先祖後人子之所得已故不用樂且不賀也然為酒食以召鄉黨僚友則遺問不可廢

也故其辭曰聞子有客使某羞舍曰昏禮而謂之有客則所以羞者佐其供具之廢而已非賀也作記者因俗之名賀貧者不以貨財為禮老者不以筋力為禮應氏曰無財不

可以為悅而財非貧者之所能辦非強有力者不足以行禮而強有力非老者之所能勉名子者不

以國不以日月不以隱疾不以山川常語易及則避諱為難故名子者不

之男女異長各為伯仲亦不相干男子二十冠而字冠

字之敬其名父前子名君前臣名呂氏曰事父者家無二尊雖母不敢以抗

之故無長幼皆名不敢致私敬於其長也事君者國無二尊雖父不可以抗之故無貴賤尊卑皆名不敢致私

敬於其所尊貴也春秋邲陵之戰欒書欲載晉侯其子鍼曰書退此君前臣名雖父亦不敢抗也女子

許嫁筭而字

許嫁則十五而筭未許嫁則二十而筭亦成人之道也故字之凡進食之

禮左穀右截食居人之左羹居人之右膾炙處外醯醬

處內蔥漆處末酒漿處右以脯脩置者左胸右末

肉帶骨曰

覈純肉切曰截骨剛故左肉柔故右飯左羹右分燥濕也膾炙異饌故在穀截之外醯醬食之主故在穀截之內

蔥漆蒸蔥亦醢類加豆也故處末酒漿或酒或漿也處羹之右若無設則左酒右漿疏曰脯訓始始作即成

也脩亦脯脩訓治治之乃成薄析曰脯揅而施薑桂曰脥脥胸謂中屈也左胸胸置左也脯脥處酒左以燥為

陽也呂氏曰其末在右便於食也食脯脥者先末截側吏切食音嗣炙音拓處上漆音裔胸音劬脥音段

客若降等執食興辭主人興辭於客然後客坐

降等謂爵齒卑

於主人也不收當主賓之禮故食至則執之以起而致辭於主人主人見客起辭故亦起而致辭於客客乃復就其主人延客祭祭食祭所先進穀之序偏祭之

古人不忘

本每食必每品出少許置於豆間之地以報先代始為飲食之人謂之祭延導之也祭食之禮主人所先進者則先祭之後進者後祭各以般之次序而祭之偏也朱子曰古人祭酒於地祭食於豆間有板盛之卒食徹

去威

三飯主人延客食戡然後辯穀

疏曰三飯謂三食也禮食三飧

而告飽須勸乃更食三飯竟而主人乃導客食戡也公食大夫禮云賓三飯以清醬鄭云每飯歛清以般孺醬食正饌也所以至三飯後乃食戡者以戡為加故三飧前未食食戡之後乃可偏食般也飯工聲辯音偏清音泣孺音磬主人未辯客不虛口

疏曰虛口謂食竟而飲酒蕩口使清潔及安食也用漿曰

漱以潔清為義用酒曰
醕醕訓演演養其氣也

侍食於長者主人親饋則拜而

食主人不親饋則不拜而食

饋進饌也
稱禮之施而已

方氏曰凡以
稱去聲

共食不飽共飯不澤手

呂氏曰共食者所食非一品共
飯者止飯而已共食而求飽非

讓道也不澤手者古之飯者以手與人共飯摩手而
有汗澤人將惡之而難言之飯飯工聲惡去聲

毋

搏飯毋放飯毋流歎

毋搏者孫云若取飯作搏則易得
多是欲爭飽也朱氏曰放謂食

之放肆而無所節也流謂飲之流行而不知止
也搏徒丸切工飯如字下飯工聲易去聲

毋咤食

毋齧骨毋反魚肉毋投與狗骨毋固獲

咤食謂當食而
叱咤詠謂以舌

口中作聲母吃恐似於氣之怒也毋齧齧其聲之聞也
毋反魚肉不以所餘反於器鄭云謂已匪口人所穢也

母投與狗骨不敢賤主人之物也求之堅曰固
得之難曰獲周獲謂必欲取之也 咤陟嫁切 母揚飯

飯黍母以箸

揚謂以手散其熟氣煖於欲食之急也母以箸責其匕之便也 下飯工聲箸音飭

母噉羹母絮羹母刺齒母歆醢客絮羹主人辭不能亨

客歆醢主人辭以宴

羹之有菜宜用挾不宜以口噉取食之也絮就器中調和也口客止

不宜以物刺於齒也醢宜鹹歆之以其味淡也客或有絮羹者則主人以貧窶乏味為辭 噉音塔絮羹據切刺七迹切亨音烹宴其羽切 濡肉齒決乾肉不

齒決母噉炙

濡肉殺哉之類乾肉脯脩之類決斷也不齒決則當治之以手也 疏曰火灼曰炙

若食炙不一舉而併食併食之曰噉是貪食也 乾音干噉楚怪切炙音拓斷工聲 卒食客自前

跪徹飯齊以授相者主人興辭於客然後客坐

自從也齊醬屬

也飯齊皆主人所親設故客欲親徹此亦謂降等之客耳敵者不親徹也飯如字齊賤西切相去聲

侍

飲於長者酒進則起拜受於尊所長者辭少者反席而

飲長者舉未醕少者不敢飲

尊所置尊之所也飲盡爵曰醕呂氏曰古之飲酒

貴賤長幼無不及鄉飲之禮堂下之賓樂工及笙無不與獻特牲饋食禮賓兄弟弟子公有司私臣無不與獻其獻也皆主人親酌授之此侍飲者亦長者親酌授之所以有拜受於尊所之節也惟燕禮以宰夫為獻主故君不親酌鄉飲射饋食禮皆尊於房戶之間賓主共之也燕禮大射皆尊於兩楹之西尊面向君君尊之也燕禮鄉飲禮皆不云拜受於尊所以禮與侍飲異也醕子妙切與去聲長者賜少者賤者

不敢辭

辭而後受賓主平交之禮非少賤事尊貴之道

賜果於君前其有核者

懷其核

敬君賜故不敢弃核

御食於君君賜餘器之溉者不寫其

餘皆寫

御食於君者君食而臣為之勸備也君以食之餘者賜之若陶器或木器可以洗滌者則即食

之或其器是萑竹所織不可洗滌者則傳寫於他器而食之不欲口澤之漬也

餽餘不祭父不

祭子夫不祭妻

尸餽鬼神之餘臣餽君之餘賤餽貴之餘下餽工之餘皆餽也此謂助祭執事

或為尸而所得餽之餘肉以歸則不可以之祭其先雖

父之尊亦不以祭其子夫之尊亦不以祭其妻以食餘

之物喪也一說此祭是每食必祭之祭食人之餘及子

進饌於父妻進饌於夫皆不祭而食恭敬主人之餘故

祭而後食食人之餘而祭則喪施

於卑者則非尊者之道餽音俊御同於長者雖貳不

辭偶坐不辭

御侍也貳蓋物也侍食者雖獲殺饌之重而不辭其多者以此饌本為長者設耳偶

者配偶之義因其有賓而已亦偶配於坐亦以此席不專為已設故不辭也

羹之有菜

者用挾其無菜者不用挾

挾箸也無菜者汁而已直歛之可也挾音煩

子削瓜者副之巾以締為國君者華之巾以綌為大夫

累之士寔之庶人齏之

疏曰削刊也副析也締細葛也刊其皮而析為四解又積解而

以細葛巾覆之而進也華半破也綌麤葛也諸侯禮降故破而不四析亦橫斷之用麤葛巾覆之而進也爾雅

瓜曰華之郭璞云食啖治擇之名累保也不巾覆也寔謂脫花處寔之者去寔而已齏齧也齏之不橫斷也此

等級不同非謂平常之日當是公庭禮會之時劉氏曰大夫以上皆曰為者有司為之也士庶人不曰為者

自為之也。方氏曰：巾以緋，綵者當暑以涼為貴也。
為去聲。副普逼切。締音搞，綵音隙。累力果切。變音帝，訖
恨沒切。覆去聲。斷上聲。父母有疾冠者不櫛，行不翔，言不惰，琴瑟
聲斷上聲。

不御食，肉不至，變味飲，酒不至，變貌笑，不至矧，怒不至。

詈疾正復故。

此言養父母疾之禮。不櫛，不為飾也。不翔，不為容也。不惰，不及他事也。疏謂惰，訖不正。

之言琴瑟不御，以無樂意也。猶可食肉，但不至康飲而口味變耳。猶可飲酒，但不至醺酣而顏色變耳。齒本曰矧，笑而見矧，是大笑也。怒罵曰詈，怒而至詈，是甚怒也。皆為忘憂，故戒之復，故復常也。冠去聲。惰，徒禾切。養

去聲。樂音洛。見音現。

有憂者側席而坐，有喪者專席而坐。

有憂謂親疾，或

他禍患側獨也。獨坐一席，不設待賓之席，為有憂也。一說側席謂偏設之，變於正席也。亦通。專單也。貴賤之席

各有重數居喪則否
呂氏曰卑席不與人共坐也

水潦降不獻魚鼈

水潤魚鼈易得不足

貴故

獻鳥者佛其首畜鳥者則勿佛也

佛謂撻轉其首恐其喙之害人

也畜者不然順其性也
佛符勿切畜許六切

獻車馬者執策綏

疏曰策是馬杖綏是上車

之繩車馬不工於堂但執
策綏皇之則知有車馬

獻甲者執冑獻杖者執末

疏曰

甲鎧也冑兜鍪也鎧大兜鍪小小者易舉
執以呈之耳秋木柱地不淨故執以自向

獻民虜者操

右袂

民虜征伐所俘獲之人口也持其右袂所以防異心

獻衆者執右

契獻米者操量鼓

疏曰契者兩書一札同而別之右者先書為尊鼓量器名也米云量則衆

亦量衆云契則米亦書但米可即食為急故
言量衆可久儲為緩故云書書比量為緩也
獻孰食者

操醬齊

疏曰醬齊為食之主執主來則食可知如見芥醬必知獻魚膾之類齊膳西切

獻田

宅者操書致

書致謂詳書其多寡之數而致之於人也呂氏曰古者田宅皆屬於公非民所得

而有而此云獻者或工所賜予可為已有者如采地之屬故可獻歟予工聲采去聲凡遺人弓

者張弓尚筋弛弓尚角右手執簫左手承弣尊卑垂悅

若主人拜則客還辟辟拜

弓之體角內而筋外尚使之在上也皆取其勢之順也簫

稍末也疏云刺之差斜似簫故名弣中央把處也悅仰中也客主尊卑相等則授受之際皆稍磬折而見其悅之垂也此時弓尚在客手故不容答主人之拜而少遜巡遷延以辟之辟猶閉也謂離其所立之處呂氏曰下於上曰獻上於下曰賜敵者曰遺遺去聲弣音撫悅音稅還音旋上辟音闕下辟音避離去聲主人

自受由客之左接下承附鄉與客並然後受

自受者以敵客不當

使人受也由從也從客左邊而受則客在右矣於是主

人卻左手以接客之下而承其附又覆右手以捉弓之

下頭而受之此時則主客並立而俱向南也方氏曰

賓主異等則授受異向此賓主敵故鄉與客並也鄉

去聲進劍者左首

誦曰進亦遺也首劍拊環也客在右主

聲進劍者左首

今對校則亦左首首尊左

亦尊為宜也今平聲

進戈者前其鎗後其刃

誦曰

子戟也刃當頭而利鎗在尾而

鈍不以刃授敵也鎗在因切

進矛戟者前其鐵

誦曰

鎗而三廉戟今之戟也鐵為矛戟柄尾平底以平向人

敵也亦應並授不云左右而云前後者互文也若相對

則前後也若並授則

進几杖者拂之

拭去塵也

效馬效羊者

左右也

鐵音隊

右牽之

效陳獻也以右手牽之為使

效犬者左牽之

以右手防其齧噬

執禽

者左首

禽鳥也首尊主人在左故橫捧而以首授主人

飾羔雁者以績

飾覆之也畫布

為雲氣以覆羔與鴈為相見之贊也

績音會覆去聲

受珠玉者以櫛

謂以兩手共承之也

受弓劍者以袂

謂以衣袂承接之不露手也

飲玉爵者弗揮

謂不可振去餘

灘恐

凡以弓劍苞苴簞筍問人者操以受命如使之容

苞者苞裹魚肉之屬苴者以草藉器而貯物也簞圓筍方皆竹器問遺之也使者受命之時操持諸物即習其

威儀進退如至彼國之容儀也

操平聲使去聲下二節同凡為君使者已受命君

言不宿於家

受命即行

君言至則主人出拜君言之辱使者

歸則必拜送於門外

至則拜命歸則拜送皆敬君也

若使人於君所則

必朝服而命之使者反則必下堂而受命

呂氏曰使人於君所不下

堂反則下堂受命者始以已命往終以君命歸故使者反而後致其敬往則否也工使如字下使去聲博

聞強識而讓敦善行而不怠謂之君子

博聞強識而讓所謂有若無實

若虛者敦善行而不怠所謂尊尊為善者皆君子之道也陳氏曰聞識自外入善行由中出自外入者易實故處之以虛由中出者易倦故濟之以勤行去聲易去聲處上聲君子不盡人之歡不

竭人之忠以全交也

呂氏曰盡人之歡竭人之忠皆責人厚者也責人厚而莫之應此交

所以難全也歡謂好於我也忠謂盡心於我也好於我者望之不深盡心於我者不要其必致則不至於難繼

也應好並去聲要平聲禮曰君子抱孫不抱子此言孫可以為王

父尸子不可以為父尸為君尸者大夫士見之則下之

君知所以為尸者則自下之尸必式乘必以几

疏曰祭天地社

稷山川四方百物及七祀之屬皆有尸外神不問同姓異姓但卜之吉則可為尸祭勝國之社稷則士師為尸惟祭殤無尸呂氏曰抱孫不抱子古禮經語也曾子問曰孫幼則使人抱之抱孫之為言生於孫幼且明尸必以孫以昭穆之同也古之祭祀必有尸尸神象也主人之事尸以子事父也尸必筮求諸神而不敢專也在散齋之日或道遇之故有為尸下之禮大夫士言見君言知者蓋君或不能盡識有以告則下之致其敬也尸不下君而式之者廟門之外尸尊未全不敢亢禮而答之故式之而已亢禮而答則下之矣如在廟中主人拜

無不答也古者車中以式為敬式車前橫木也馮之以禮人首必小倪以是為敬式視馬尾俯首之節也凡尊

者所馮以養安也故尸之乘車用之散工聲為尸為去聲亢苦浪切馮音憑齊者不樂不弔

呂氏曰古之有敬事者必齊齊者致精明之德也樂則散哀則動皆有善於齊也不樂不弔者全其齊之志也

樂音洛齊音齋居喪之禮毀瘠不形視聽不衰升降不由阼

階出入不當門隧門隧門之中道也疏曰居喪許贏瘦不許骨露見骨為形之主故謂骨

為形呂氏曰先王制禮毀不減性毀瘠形視聽衰幾於滅性送死之大事且將廢而莫之行則罪莫大焉不

由阼階不當門隧執人子之禮居喪之禮頭有創則沐而未忍廢也見音現幾平聲

身有瘍則浴有疾則飲酒食肉疾止復初不勝喪乃比

於不慈不孝

沐浴與飲酒食肉以權制者也故疾止則復初朱氏曰下不足以傳後故比於不

慈上不足以奉先故比於不孝創平聲瘍音羊勝音升

五十不致毀六十不毀七

十唯衰麻在身飲酒食肉處於內

五十始衰故不極毀六十則入衰矣故不

可毀七十之年去死不遠略其居喪之禮者所以全其易盡之期也衰音催處上聲易去聲生與來

日死與往日

與猶數也成服杖生者之事也數死之明日為三日斂殯死者之事也從死日數之

為三日是三日成服者乃死之第四日也數工聲知生者弔知死者傷知生而

不知死弔而不傷知死而不知生傷而不弔

方氏曰不知生而弔

之則其弔也近於諂不知死而傷之則其傷也近於偽應氏曰弔者禮之恤乎外傷者情之痛於中弔

喪弗能賻不問其所費問疾弗能遺不問其所欲見人

弗能館不問其所舍

以貨財助喪事曰賻此三事不能則皆不問者以徒問為可愧也

賻音附
遺去聲

賜人者不曰來取與人者不問其所欲

賜者君
子與者

小人 朱氏曰君子有守必將之以禮故不曰
來取小人無厭必節之以禮故不問其所欲

適墓不

登壟助葬必執紼

壟墳堆也登之為不敬
紼引棺索執之致力也

臨喪不笑

以

為主揖人必違其位

出位而揖禮
以變為敬也

望柩不歌入臨不翔當

食不歎

不歌與不笑義同臨哭也不翔不為
容也唯食忘憂非歎所也

鄰有喪春

不相

五家為鄰相者以音聲相勸相蓋春人
歌以助春也

里有殯不

巷歌適墓不歌哭日不歌

二十五家為里巷歌歌於巷也

送喪不由徑

送葬不辟塗潦臨喪則必有哀色執紼不笑

不由徑不苟取其速

也不避泥潦嫌於憚勞也

辟音避臨樂不歎

亦為非歎所也

介冑則有不可犯

之色故君子戒慎不失色於人

此章自揖人必違其位當食不歎臨樂不歎介

冑則有不可犯之色四句之外皆是凶事之禮節記者詳之如此每事戒慎則無失禮之愧不但不可失介冑之色而已國君撫式大夫下之大夫撫式士下之禮不下庶

人君與大夫或同途而出君過宗廟而式則大夫下車士於大夫猶大夫與君也庶人卑賤且貧富不同故經不言庶人之禮古之制禮者皆自士而始也先儒云其有事則假士禮而行之一說此為相遇於途君撫式

以禮大夫則大夫下車大夫撫式以禮士則士下車庶人則否故云禮不下庶人也刑不上大夫

大夫或有罪以八議定之議所不敢則受刑周官掌囚凡有爵者與王之同族奉而適甸師氏以待刑殺而此

云不工大夫者言不制大夫刑人不在君側人君當近有德者又

以慮其怨恨而為變也閹弑餘祭祭側界切兵車不式武車綏旌

德車結旌孫曰兵車革路也尚武猛無推讓故不式武車亦革路也取其建戈刀即云兵車取其威

猛即云武車也旌車工旌旗也尚威武故舒散若垂綏然玉金象木四路不用兵故曰德車德美在內不尚赫

奕故纓結其旌於史載筆士載言疏曰不言簡牘而曰筆是書之主則餘載

可知言謂盟會之辭舊事也方氏曰史國史也前有載筆將以書未然之事載言欲以閱已然之事

水則載青旌

疏曰王行宜警備故前有變異則舉類示之青旌者青雀也是水鳥載音戴前

有塵埃則載鳴鳶

為鵠也鵠鳴則風生風生則塵埃起

前有車騎則載飛

鴻

鴻鴈也鴈飛有行列與車騎相似

前有士師則載虎皮

虎威猛亦

士師之象士師非所當警備者而亦舉類以示衆或者禁止暴橫之意改

前有摯獸則載貔貅

貅

摯獸虎狼之屬貔貅亦有威猛舉此使衆知為備但不知為載其皮為畫其形耳

行前朱鳥

而後玄武左青龍而右白虎招搖在上急繕其怒

行軍旅之

出也朱鳥玄武青龍白虎四方宿名也以為旗章其旅

數皆放之龍旗則九旅雀則七旅虎則六旅龜蛇則四

旅也招搖北斗七星也居四方宿之中軍行法之作此

舉之於上以指正四方使我陣整肅也舊讀繕為勁今

從呂氏說讀如字其怒士卒之怒也呂氏曰急迫之也謠言作而致其怒先儒以謠為勦不必改也宿去

聲進退有度左右有局各司其局疏曰進退有度者牧誓云不愆於六步七

步乃止齊焉四伐五伐乃止齊焉一擊一刺為一伐少者四伐多者五伐又當止而齊正行列也左右有局者局部分也軍之左右各有部分不相濫也各司其局者軍行須監領也行音抗分音問監平聲父之

讎弗與共戴天兄弟之讎不反兵交遊之讎不同國不反

兵謂常以殺之之兵器自隨也呂氏曰殺人者死古今之達刑也殺之而義則無罪故令勿讎調人之職是也殺而不義則殺者當死宜告於有司而殺之士師之職是也二者皆無事乎復讎也然復讎之文雜見於經傳考其所以必其人勢威緩則不能執故遇則殺之不暇告有司也父者子之天不能復父讎仰無以視乎皇

天矣報之之意誓不與讎俱生此所以弗共戴天也

四郊多壘此卿大夫之辱也

地廣大荒而不治此亦士之辱也

四郊者王城之外四面近郊五十里遠郊

百里侯國亦各有四郊里數則各隨其地之廣狹而為遠近也壘者屯軍之壁卿大夫不能謀國數見侵伐故多壘土廣人稀荒穢不理此二者國皆卿大夫之責士卑不與謀國而田里之事則其職也故言亦士之辱與去聲臨祭不惰祭服敝則焚之祭器敝則埋之龜焚

敝則埋之牲死則埋之

呂氏曰人所用則焚之焚之陽也鬼神所用則埋之埋之陰也

筴夾劫

筴三音 凡祭於公者必自徹其俎

疏曰此謂士助君祭也若大夫以上

則君使人歸其俎若大夫以下自祭其廟則使人歸賓俎呂氏曰執臣子之敬毋敢視賓客故自徹其俎以

出卒哭乃諱禮不諱嫌名二名不偏諱

葬而虞虞而卒哭凡卒哭之前

猶用事生之禮故卒哭乃諱其名嫌名音同者不偏諱謂可單言

逮事父母則諱王父

母不逮事父母則不諱王父母

逮及也庶人父母早死不聞父之諱其祖故亦

不諱其祖有廟以事祖者則不然也

君所無私諱大夫之所有公諱

私諱不避

於公朝大夫則諱其先君也

詩書不諱臨文不諱

不因避諱而易詩書之文改行事之

語蓋恐有惑於學者有誤於承用也

廟中不諱

廟中之諱以卑避尊如有事於高祖則不諱曾祖以

下夫人之諱雖質君之前臣不諱也婦諱不出門大功

小功不諱

質猶對也夫人之諱與婦之諱皆謂其家先世門者其所居之官門也大功以下恩輕服

殺故亦不諱

入竟而問禁入國而問俗入門而問諱

馮氏曰問禁慮

得罪於君也問俗慮得罪於衆也問諱慮得罪於主人也竟工擇與境同篇內並同

外事以剛

日內事以柔日

甲丙戊庚壬為剛乙丁己辛癸為柔先儒以外事為治兵然巡狩朝聘盟會之

類皆外事也內事如宗廟之祭冠昏之禮皆是

凡卜筮日旬之外曰遠某日旬

之內曰近某日喪事先遠日吉事先近日

疏曰今月下旬筮來月上

旬是旬之外日也主人告筮者云欲用遠某日此大夫禮士賤職褻時至事暇可以祭則於旬初即筮旬內之日主人告筮者云用近某日天子諸侯有難祭或用旬內或用旬外其辭皆與此同喪事謂葬與二祥是奪哀之義非孝子所欲但不獲已故先從遠日而起示不宜急徵仲孝心也吉事謂祭祀冠昏之屬少牢云若不吉

則及遠日是先近日
也冠少並去聲

曰為日假爾泰龜有常假爾泰筮

有常卜筮不過三卜筮不相襲

曰命辭也為字去聲讀為卜吉日故曰為日卜

則命龜曰為日假爾泰龜有常筮則命著曰為日假爾泰筮有常假因也託也泰者尊工之辭有常言其吉凶常可憑信也此命著龜之辭不過三者一不吉至再至三終不吉則止而不行襲因也卜不吉則止不可因而更筮筮不吉則止龜為卜筮為筮卜筮者先聖王之所

以使民信時日敬鬼神畏法令也所以使民決嫌疑定

猶與也故曰疑而筮之則弗非也日而行事則必踐之

筮著也舊說讀踐為善文義甚迂疏引王氏說踐履也必履而行之當讀如字疏曰說文猶獸名與亦獸名

二物皆進退多疑人之多疑惑者似之故謂之猶與
呂氏曰凡常事卜不吉則不筮筮不吉則不卜獻公卜
納驪姬不吉公曰筮之此相襲也若大事則先筮而後
卜洪範有龜從筮從或龜從筮逆龜筮並用也晉卜納
襄王得黃帝戰阪泉之兆又筮之遇大有之睽亦龜筮
並用也故知不相襲者非大事也信時日者卜筮而用
之不敢改也敬鬼神者人謀非不足而猶求於鬼神知
有所尊而不敢必也畏法令者人君法令有疑者決之
卜筮則君且不敢專况下民乎嫌疑者物有二而相似
也猶與者事有二而不決也如建都邑某地可都某地
亦可都此嫌疑也如戰或曰可戰或曰不可戰此猶與
也卜筮以決之定之此先聖王以神道設教也有疑而
筮既筮而不信詎日而卜既卜而弗踐是為不誠不
誠之人不能得之於人況可得於鬼神乎與去聲君
車將駕則僕執策立於馬前

此下言乘車之禮策馬杖
也僕者執之立於馬前所

以防奔逸也

已駕僕展軔效駕

已駕駕馬畢也軔車之轄頭車行由轄僕者展視軔偏即

入而效白於君言車駕竟軔音零

奮衣由右上取貳綏跪乘

疏曰僕先出就車於

車後自振其衣以去塵從右邊升工必從右者君位在左避君空位也貳副也綏登車索也正綏擬君之升副綏擬僕右之升僕先試車時君猶未出未敢依常而立所以跪而乘之以為敬上工聲執策分轡

驅之五步而立

疏曰轡馭馬索也車一轅而四馬駕之中央兩馬夾轅者名服馬兩邊名駢馬

亦曰駢馬詩云兩服上襄兩駢鴈行鴈行者言與中服相次序也每一馬有兩轡四馬八轡以駢馬內轡繫於軾前其駢馬外轡并兩服馬各二轡六轡在手右手執杖以三轡置空手中以三轡置杖手中故云執策分轡也驅之者試驅行之也五步而立者跪而驅馬以行五步即止而倚立以待君出行音抗并去聲君出

就車則僕并轡授綏左右攘辟

疏曰君出就車則僕并六轡及策置一手中以

一手取正綏授於君令登車於是左右侍駕陪位諸臣見車欲進行皆還卻以避車使不妨車之行也并去聲辟音避車驅而騶至于大門君撫僕之手而顧命車右就

車門閭溝渠必步

疏曰車上君在左僕人中央勇士在右既至大門恐有非常故回命車右

上車至門閭溝渠而必下車者一則君子不誣十室過門閭必式君式則臣當下也二則溝渠險阻恐有傾覆亦須下扶持之也僕不下者車行由僕僕下則車無御故不下也騶音驟凡僕人之禮必

授人綏若僕者降等則受不然則否

凡為車之僕者必以正綏授人不但

且於君為然也若僕之等級卑下如士於大夫之類則授綏之時直受之而已無辭讓也非降等者則不受

若僕者降等則撫僕之手不然則自下拘之

降等者雖需受其綏

然猶撫止其手如不欲其親授然後受之亦謙讓之道也不降等者已雖不欲受而彼必授則卻手從僕之

手下而自拘取之也

拘音溝

客車不八大門婦人不立乘犬馬不上

於堂

馬氏曰客車不八大門所以敬主主人出大門迎之所以敬客故觀禮偏駕不入王門公食大夫禮

賓乘車在大門外西方若諸侯不以客禮見王則墨車龍旂可以八大門故觀禮墨車龍旂以朝婦人乘安車故不立乘犬馬充庭實故不上堂以犬馬獻人則執鍰鞅而已以馬合幣則達圭而已奉馬而覲則授人而已皆不工堂之謂

也 鞅音的

故君子式黃髮下卿位入國不馳入里

必式

式黃髮敬老也下卿位敬大臣也禮君出則過卿位而登車入則未到卿位而下車入國不馳恐車

馬躡轅人也十室猶有忠信二十五家之中豈無可敬之人故八里門必式所謂不誣十室也鄭氏曰發句

言故明此衆篇雜辭也躡音各

君命召雖賤人大夫士必自御之

御讀

為逖迎也自迎之所

介者不拜為其拜而菱拜

介甲也

朱子

曰菱猶言有所枝柱不利屈伸也為去聲菱子卧切

祥車曠左乘君之乘車不

敢曠左左必式

疏曰祥猶吉也吉車謂生時所乘葬時用為魂車車上貴左僕在右空左以擬

神也王者五路王金象木革王自乘一餘四從行臣乘此車不敢空左空左則似祥車凶也左必式者不敢自安故恒憑式乘車君皆在左若兵戎革路則君在中乘去聲空去聲僕御婦人則進左

手後右手

疏曰僕在中婦人在左進左手持轡使身微相背遠嫌也背音佩遠去聲

御國

君則進右手後左手而俯

疏曰御君者禮以相向為敬故進右手既御不得常式故

但俯俛而為敬

國君不乘奇車車上不廣欹不妄指

奇車奇邪不正之車

也方氏曰不廣欹者慮聲容之駭人聽不妄指者慮手容之駭人視也奇居宜切

立視五舊

式視馬尾顧不過轂

立謂立於車上也疏曰舊規也車輪一周為一規乘車之輪高六

尺六寸徑一圍三得一丈九尺八寸五規為九十九尺六尺為步總為十六步半在車上所視則前十六步半

也馬引車其尾近車闌車工憑式下頭時不得遠矚但瞻視馬尾轂車轂也若轉頭不得過轂論語云車中不

內顧是也舊音攜

國中以策彗卹勿驅塵不出軌

疏曰入國不馳故不用鞭

策但取竹帶葉者為杖形如掃帚故云策彗微近馬體搔摩之卹勿搔摩也軌車轍也行緩故塵埃不飛揚出

軌外也 朱子曰策彗疑謂策之彗若今鞭末 國君下
韋帶耳 彗音遂卹蘇沒切勿音沒婦去聲

齊牛式宗廟大夫士下公門式路馬

下謂下車也疏引熊氏說此大誤當

云國君下宗廟式齊牛

齊音齊

乘路馬必朝服載鞭策不敢授綏左

必式

此言人臣習儀之節路馬君駕路車之馬也既衣朝服又鞭策則但載之而不用皆敬也君升車則

僕者授綏今臣以習儀而居左則自馭以行不敢吏車右以綏授已也左必式者既在尊位當式以示敬 朝

音潮本去聲

步路馬必中道以足蹙路馬芻有誅齒路馬有

誅

步謂行步而調習之也必當路之中者以邊側卑褻不敬或傾跌也蹙與蹴同芻草也齒評量年數也誅

罰也 馬氏曰祭馬之力必以年數馬之年必以齒凡此戒其慢君物也先王制禮圖難於其易為大於其細

凡以止邪於
未形而已耳

曲禮下第二

凡奉者當心提者當帶

疏曰物有宜奉持者有宜提挈者奉者仰手當心提者屈臂當

帶深衣之帶也古人常服深衣奉工聲

執天子之器則上衡國君則平衡

大夫則綏之士則提之

疏曰上高也衡平也平正當心天子器不宜下故臣為擎奉皆

高於心諸侯降於天子故臣為奉持器與心平大夫降於諸侯故其臣奉器下於心綏下也士提之則又在綏

下工工聲綏音妥為去聲

凡執主器執輕如不克執主器操幣圭

璧則尚左手行不舉足車輪曳踵

大夫稱主此則通工下貴賤言之如不克

似不能勝也聘禮曰工介執玉如重尚左手謂左手在
上左陽尊也踵脚後也執器而行但起其前而曳引其
踵如車輪之運於地故曰車輪曳踵方氏曰左
手不如右強尚左手所以為容下右手所以致力立則

磬折垂佩主佩倚則臣佩垂主佩垂則臣佩委

儀折如磬之背

而玉佩從兩邊懸垂此立容之常然臣之於君尊卑殊
等則當視其高下之節而倍致其恭敬之容可也微俛

則倚於身小俛則垂大俛則委於地皆於佩見其節執玉其有藉者則裼無藉者

則襲

古人之衣近體有袍襌之屬其外有裘夏月則衣葛或表或葛其工皆有裼衣裼衣工有襲衣襲衣

之工有常著之服則皮弁服及深衣之屬是也掩而不開謂之襲若開而見出其裼衣則謂之裼也又聘禮

註云曲禮云執玉其有藉者則裼無藉者則襲所謂無藉謂圭璋特達不加束帛當執圭璋之時其人則襲也

有藉者謂壁踪加於束帛之工當執壁壁踪時其人則楊也曲禮所云專主圭璋時而襲壁踪加束帛而楊一條言之先儒乃以執圭而垂繅為有藉執圭而屈繅為無藉此則不然竊詳經文楊襲是一事垂繅屈繅又別是一事不容混合為一說

楊音現

國君不名卿老世婦大

夫不名世臣姪娣士不名家相長妻

不名不以名呼之也疏曰上卿貴

故曰卿老世婦兩媵也次於夫人而貴於諸妾也世臣父在時老臣也姪是妻之兄女娣是妻之妹從妻來為妻也大夫不世爵此有世臣者子賢襲父爵也家相助知家事者長妻妾之有子者姪音迭相去聲長工聲

君大夫之子不敢自稱曰余小子大夫士之子不敢自

稱曰嗣子某不敢與世子同名

列國之君與天子大夫其子皆不敢自稱余

小子避嗣天子之稱也列國之大夫與士之子不敢自稱嗣子某避嗣諸侯之稱也

呂氏曰世子君之適子

也諸臣之子不敢與之同名亦避君也若名之在世子之前則世子為君亦不避叔梁紇傳曰衛齊惡衛侯惡何為君臣同名也君子不奪人名不奪人親之所名適音的傳去聲君使士射不能則辭

以疾言曰某有負薪之憂

呂氏曰射者男子之所有事不能可以疾辭不可以不能

辭也負薪賤役士之所親事者疾則不能矣故曰負薪之憂也

侍於君子不顧望而對

非禮也

呂氏曰顧望而後對者不敢先他人而言也應氏曰有察言觀色之意

君子行禮

不求變俗祭祀之禮居喪之服哭泣之位皆如其國之

故謹修其法而審行之

言卿大夫士有徙居他國者行禮之事不可變其故國之俗皆

當謹修其典法而審慎以行之

去國三世爵祿有列於朝出入有詔於

國若兄弟宗族猶存則反告於宗後去國三世爵祿無

列於朝出入無詔於國唯興之日從新國之法

去本國雖已三

世而舊君猶仕其族人於朝以承祖祀此人往來出入他國仍詔告於本國之君其宗族兄弟猶存則必有宗子凡冠娶必告死必赴不忘親也若去國三世朝無仕宦之列出入與舊君不相聞其時已久其義已絕可以改其國之故矣然猶必待興起而為卿大夫乃從新國之法厚之至也

君子已孤不更名

名者始生三月之時父所命也父沒而改之孝子所不忍也

更平聲

已孤暴貴不為父

作諡

大王雖為西伯不為古公季作諡周公成文武之德亦不敢加太王王季以諡也

呂氏曰父為

士子為天子諸侯則祭以天子諸侯其尸服以士服是
可以已之祿養其親不敢以已之爵加其親也父之爵
卑不當謚而以已爵當謚而作之是以已爵加其父
欲尊而反卑之非所以敬其親也為去聲養去聲居

喪未葬讀喪禮既葬讀祭禮喪復常讀樂章居喪不言

樂祭事不言凶公庭不言婦女

復常除服之後也樂章
弦歌之詩也呂氏曰

讀是書非肄業也當是時不知是事不以禮事其親者
也吉凶之事不相干哀樂之情不可以或故喪凶事也
不言樂祭吉事也不言凶公私之事不可相干私
事不可言於公庭故公庭不言婦女哀樂音洛振書

端書於君前有誅倒筴側龜於君前有誅

人臣以職分
內事事君每

事當謹之於素大書簿領已至君前乃始振拂其虛埃
而端整之卜筮之官龜筴其所奉以周旋者於君前而

有顛倒反側之狀此皆不敬其職業而慢工者故皆有罰分音問奉工聲龜筮几杖席蓋

重素衿締綌不入公門

龜筮所以問吉凶嫌豫謀也几杖所以優高年嫌自尊也席所

以坐卧蓋所以蔽日與雨締綌所以涼體衿單也單則見體而褻此三者宴安之具也重素衣裳皆素也以非

吉服故亦不可以入公門

苞屨扱衽厭冠不入公門

讀

為薦以薦蒯之草為齊衰喪屨也扱衽以深衣前衽扱之於帶也蓋親初死時孝子以號踊復踐為妨故扱之也厭冠喪冠也吉冠有纁有梁喪冠無之故厭帖然也此皆凶服故不可以入公門苞白表切扱音抑厭入

聲號平聲

書方衰凶器不以告不入公門

方板也書方者條錄送死

物件於方板之上也衰五服之衰也凶器若棺槨牆龔明器之屬不以告不入公門謂告則可入者蓋臣妾有

死於宮中者君亦許其殯而成喪然必馬公事不私議氏

先告乃得將入也哀音作嬰音賦日季孫使冉有訪田賦於仲尼仲尼不對而私於冉有

何也季氏府田賦非孔子所能止其私於冉有豈得已哉君子將營宮室宗廟為先廡庫為次居室為後君子有位

者也宗廟所以奉先故先迎之廡以養馬庫以藏物凡欲其不之用也故次之居室則安身而已故又次之

家造祭器為先犧賦為次養器為後犧賦亦以造言者

牲之五與盆簠之類鄭註互若今屠家懸肉格盆以盛血簠受肉籠也疏曰家造謂大夫始造家事也諸侯

大夫少牢此言犧牛也天子之大夫祭祀賦歛邑民供出牲牢故曰犧賦養去聲簠音僚盛平聲少去聲

無田祿者不設祭器有田祿者先為祭服君子雖貧不

粥祭器雖寒不衣祭服為宮室不斬於丘木

呂氏曰祭器可假服

不可假也丘木所以庇宅兆為宮室而斬之是慢其先而濟吾私也

粥音育衣去聲

大夫士去

國祭器不踰竟大夫寓祭器於大夫士寓祭器於士

呂氏

曰臣之所以有宗廟祭器以事其先者君之祿也今去位矣乃挈器以行是竊君之祿以辱其先此祭器所以不踰竟也寓寄於爵等之同者使之可用也

馬氏曰

微子抱祭器而之周何也君子為已不重為人

君之祭器可也抱已之祭器不可也

大夫士去國踰竟為壇位鄉國而哭

素衣素裳素冠徹緣鞮屨素篋乘髦馬不蚤鬻不祭食

不說人以無罪婦人不當御三月而復服

壇位除地而為位也鄉國

大門外主君迎而拜之賓則退
卻不敢答拜而抗賓主之禮也大夫士相見雖貴賤不

敵主人敬客則先拜客客敬主人則先拜主人
敬而先拜謂大

夫士聘於他國而見其
卿大夫士也同國則否凡非弔喪非見國君無不答拜

者
弔喪而不答主人之拜者以為助執喪事之凡役而

來非行賓主之禮也故士喪禮有賓則拜之賓不答
拜是也士見本國之君尊卑遠絕故大夫見於國君國

君不答拜此二者之外無不答拜也
君拜其辱士見於大夫大夫拜其辱同國始相見主人

拜其辱

君拜大夫之辱大夫拜士之辱皆謂初為大夫初為士而來見也此後朝見則有常禮矣士相

見禮士見國君君答拜者亦以其初為士而敬之也主
人拜辱拜其先施也此謂尊卑相等者言同國則異國

亦當然矣君於士不答拜也非其臣則答拜之大夫於其臣

雖賤必答拜之

君於士雖不答拜然不以施之他國之士者以其非已之臣也大夫答賤臣之

拜避國君之體也

男女相答拜也

男女嫌疑之避亦多端矣然拜而相答所以為禮豈以行

禮為嫌哉故記者明言之

國君春田不圍澤大夫不掩羣士不取麇

卯

春田蒐獵也澤廣故曰圍羣聚故曰掩麇鹿子凡獸子亦通名之麇卯微故曰取君大夫士位有等降故

所取各有限制此與王制文異用大者取愈廣位卑者禁愈嚴

方氏曰麇音迷

歲凶年穀不

登君膳不祭肺馬不食穀馳道不除祭事不縣大夫不

食梁士飲酒不樂

膳者美食之名肺為氣主周人所重故食必先祭肺言不祭肺示不殺牲

為威儀也馳通人君驅馳車馬之路不除不埽除也祭
必有鍾磬之懸今不懸言不作樂也大夫食黍稷以梁
為加公食大夫禮設正饌之後乃設稻粱所謂加也自
君至士各舉一事尊者舉其大者卑者舉其小者其實
互相通耳縣音玄下節君無故玉不去身大夫無故
同歸去聲公食食音嗣

不徹縣士無故不徹琴瑟

故謂災變喪疾之類

士有獻於國君他

日君問之曰安取彼再拜稽首而后對

安取彼猶言何所得彼物也

大夫私行出疆必請反必有獻士私行出疆必請反必

告君勞之則拜問其行拜而后對

大夫士以私事出疆皆請於君其反也大

夫有獻而士不獻不以卑者之物瀆尊工也故但告遂而已勞之者慰勞其道路之勞苦問其行者詢其游歷

之所至也先拜後答急謝見問之寵也

勞去聲勞苦如字

國君去其國止之曰奈

何去社稷也大夫曰奈何去宗廟也士曰奈何去墳墓

也國君死社稷大夫死衆士死制

死社稷謂國亡與亡也死衆謂討罪禦敵

敗則死之也死制受命於君難毋苟免也方氏曰國君曰死社稷而大夫士不曰死宗廟墳墓何也蓋止其

去者存乎私情死其事者止乎公義也趙氏曰社所

以祭五土之神稷所以祭五穀之神稷非土無以生土

非稷無以見生生之效故祭社必及稷以其同功均利

以養人故也周禮大司徒設社稷之壇壇者累土以為高也不屋而壇社壇在東稷壇在西趙遺傳謂三音累工聲

君天下曰天子朝諸侯

分職授政任功曰予一人

天子者君臨天下之總稱臣民通得稱之予一人則所自

也稱踐阼臨祭祀內事曰孝王某外事曰嗣王某

踐履也阼主階

也履主階而行事故曰踐阼也宗廟之事為內郊社之事為外祝辭稱孝王某者事親之辭嗣王某者事神之辭臨諸侯畛於鬼神曰有天王某甫

天子巡狩而至諸侯之國必使祝史

致鬼神當祭者之祭以不親往故祝辭稱子曰某甫甫者大夫之美稱也

呂氏曰畛猶畦畛之相接燕與交

際之際同義方氏曰望秩之禮必於野外故以畛言之畛田間道也祭於畛而謂之畛猶祭於郊而謂之郊也天子適諸侯非其常蓋有時

畛音軫

崩曰天王崩復曰天子

復矣告喪曰天王登假措之廟立之主曰帝

自工墜下曰崩亦壞

敗之稱王者卒則史書於策曰天王崩復者人死則形神離古人持死者之衣升屋北面招呼死者之魂令還

復體魄冀其再生也故謂之復天子復者升屋招呼之辭臣子不可名君故呼曰天子復也疏云以例言之則王后死亦呼王后復也告喪赴告侯國也呂氏讀假為格音引王假有廟與來假來享言其精神升至於天愚謂遐乃遠邈之義登遐言其所升高遠猶漢書稱大行行乃循行之行去聲以其往而不反故曰大行也措置也立之主者始死則鑿木為重以依神既虞而埋之乃作主以依神也呂氏曰考之禮經未有以帝名者史記夏殷之王皆以帝名疑殷人祔廟稱帝遽据世本當有所考至周有諡始不名帝殷假音遐王假來假音格大行之天子未除喪曰予小子生名之死亦名之鄭氏行去聲

曰生名之曰小子王死亦曰小子王也晉有小子侯是僭號也呂氏曰春秋書王子猛卒不言小子者臣下之稱與史策天子有后有夫人有世婦有嬪有妻有妾之辭異也

欽定四庫全書

卷一

三夫人九嬪二十七世婦八十一御妻自后而下皆三因而增其數妻之數未聞

天子建天官

先六大曰大宰大宗大史大祝大士大卜典司六典

此六

大者天官之屬也以其所掌重於他職故曰先大並音泰

天子之五官曰司徒司

馬司空司士司寇典司五衆

此五官與天官列而為六五衆者五官屬吏之羣衆

也天子之六府曰司土司木司水司草司器司貨典司

六職

府者藏物之所此府主藏六物之稅

天子之六工曰土工金工石工

木工獸工草工典制六材

此六材者六工之所用也故不曰典司而曰典制已上四

條舊說皆為殷制其實無所考證皆臆說耳

五官致貢曰享

呂氏曰職終則司徒以下五官

五官各致其功獻於王故謂之享貢功也享獻也

五官之長曰伯是職方其攬

於天子也曰天子之吏天子同姓謂之伯父異姓謂之

伯舅自稱於諸侯曰天子之老於外曰公於其國曰君

司徒以下五官之長者天子之三公也伯者長大之名三公無異職即六卿中三人兼之任左右之職謂之相九命而作伯則分主畿外諸侯如公羊云自陝而東者周公主之自陝而西者召公主之是也是職方者言二伯於是職主其所治之方也天子之吏攬者之辭也此伯若是天子同姓則天子稱之為伯父若異姓則稱為伯舅皆親之之辭也此伯皆有采地在天子畿內自稱於私土采地之外則曰公自稱於采地之內則曰君也

九州之長八天子之國曰牧天子同姓謂之叔父異姓

謂之叔舅於外曰侯於其國曰君

天下九州天子於每州之中擇諸侯之賢

者一人加之一命使主一州內之列國取牧養下民之義故曰牧叔父叔舅降於伯父伯舅也自稱於所封國之外則曰侯若與國內臣民言則自稱曰君也其在東夷北狄西戎南蠻雖大

曰子於內自稱曰不穀於外自稱曰王老

九州之外不過子男之國

天子亦選賢以為牧但以卑且遠故不以牧稱亦不稱父舅朝見之時稱辭惟曰子雖或有功益地至侯伯之數其爵亦不過子故云雖大曰子也如楚在春秋雖大國而其爵則稱子也穀善也於內與其臣民言也外謂夷狄之境也自稱王老言天子之老臣也庶方小侯入天子之國曰某人於

外曰子自稱曰孤

四夷之君其來荒遠故以庶方名之庶衆也某人若年人介人之類疏

曰於外曰子者此君在其本國外四夷之中自稱依其
本爵若男亦稱男也若自與臣民言則稱孤孤者特立
無德之稱也天子當依而立諸侯北面而見天子曰覲天子

當宁而立諸公東面諸侯西面曰朝

鄭氏曰春朝受摯於朝受享於廟秋

覲一受之於廟朝者位於內廟而序進覲者位於廟門
外而序入疏曰依狀如屏風以絳為質高八尺東西
當戶牖之間繡為斧文亦曰斧依天子見諸侯則依而
立負之而南面以對諸侯也宁者爾雅云門屏之間謂
之宁人君視朝所宁立處蓋竚立以待諸侯之至故云
當宁而立也諸侯春見曰朝秋見曰覲又曰凡天子三
朝一在路門內謂之燕朝太僕掌之二是路門外之朝
謂之治朝司士掌之其三是皋門之內庫門之外謂之
外朝朝士掌之諸侯亦有此三朝
依工聲見音現宁珍吕切屏音丙諸侯未及期相見

曰遇相見於郤地曰會

未及期在期日之前也郤地開隙之地也下言相見及期日也

遇有遇禮會有會禮

郤隙同

諸侯使太夫人問於諸侯

曰聘

比年小聘三年大聘小聘大夫往大聘則卿往

比音界約信曰誓涖牲曰盟

約信者以言語相要約為信也用誓禮涖臨也春秋所書遇會盟聘皆有之惟無誓耳疏云盟之為法先鑿地為方坎殺牲於坎上割牲左耳盛以珠盤又取血成以玉敦用血為盟書成乃歃血而讀書置牲坎中加書於工而埋之謂之載諸侯見天子曰臣某侯某其與民言書也

自稱曰寡人其在凶服曰適子孤

臣某侯某如云臣齊侯小白臣晉侯重耳

之類擯者告天子之辭也凡自稱皆曰寡人不獨與民言也此略言之耳適子孤亦擯者告賓之辭也見前

現適音的

臨祭祀內事曰孝子某侯某外事曰曾孫某侯某

死曰薨復曰某甫復矣

內外事見前章曾孫猶晉平公禱河而稱曾臣彪之類天子德

厚流先故外事稱嗣王某諸侯不敢言繼嗣推始封之君而祖之故稱曾孫也薨之為言薈也幽晦之義本國

史書之辭復稱字臣不名君也

既葬見天子曰類見言諡曰類

呂氏曰繼先君

之德乃得受國而見天子故曰類見諫先君之善而請諡於天子故亦曰類見音現

諸侯使人

使於諸侯使者自稱曰寡君之老

寡君之老惟工大夫可稱見玉藻下二

使並去聲

天子穆穆諸侯皇皇大夫濟濟士蹕蹕庶人僬僬

呂氏曰穆穆幽深和敬之貌皇皇壯盛顯明之貌濟濟修飾齊一之貌蹕蹕翔舉舒揚之貌庶人見乎君不為

容進退趨走僣僣雖無所考大抵趨走促數不為容之貌也 濟工聲踰七半切僣子妙切見音現數音朔

天子之妃曰后諸侯曰夫人大夫曰孺人士曰婦人庶

人曰妻

鄭氏曰妃配也后之言後也夫之言扶孺之言屬婦之言服妻之言齊

公侯有夫

人有世婦有妻有妾夫人自稱於天子曰老婦

畿內諸侯之妻

因助祭於王后或因獻薦之屬故得以見天子 陳氏曰不以老稱不足以任其事不以婦稱非所以能事人故稱老婦 應氏曰年高者固可稱老婦其始嫁者宜如何稱則亦曰婦而配之以卑小之名耳 自稱

於諸侯曰寡小君

疏曰此諸侯謂他國君也古者諸侯相饗夫人亦出故得自稱也坊記云

陽侯殷繆侯而竊其夫人故大饗廢夫人之禮君之妻曰小君而云寡者亦從君為謙也 自稱於其

君曰小童自世婦以下自稱曰婢子

小童未成人之稱婢之言卑也

子

於父母則自名也

自稱其名

列國之大夫入天子之國曰某

士自稱曰陪臣某於外曰子於其國曰寡君之老使者

自稱曰某

某士擯者稱其人曰某國之士也晉韓起聘於周擯者曰晉士起蓋列國卿大夫其命數

與天子之士等也陪重也諸侯為天子之臣已又為諸侯之臣也於外曰子者亦擯者辭在他國則擯者稱其姓而曰子春秋閔二年齊高子來盟高侯是也於其國曰寡君之老謂在己國與人語則以此自稱也使者自稱曰某某名也若為使在他國與彼君語則稱名也使去擯重平聲

天子不言出諸侯

不生名君子不親惡諸侯失地名滅同姓名

疏曰君子不親惡者

欽定四庫全書

卷一

謂孔子書經見天子大惡書出以絕之諸侯大惡書名以絕之君子不親此惡故書出名以絕之也 呂氏曰賢者貴者皆謂之君子天子無外安得而言出然而言出者德不足以君天下而位號存焉耳諸侯不生名惟死而告終然後名之然有生名者德不足以名君子而位號存焉耳故天子不言出諸侯不生名皆謂君子不親惡故也 陳氏曰言出所以外之生名所以賤之春秋書天王出居於鄭譏之也書以蔡侯獻舞歸以其失地也書衛侯燬滅邢以其滅同姓也夫天子之言出諸侯之生名皆有大惡在所棄焉君子所以不親也然春秋書天王居於某地者二而不言出諸侯失地而奔者十五滅同姓者三而有不生名者莫非出居而事有異同莫非失地滅同姓而罪有輕重故也蓋諸侯義莫大於保國仁莫大於親親不能保國而至於失地不能親親而至於滅同姓其名之也宜矣 為人臣之禮不顯諫三諫而不聽則

逃之

陳氏曰孔子之於魯百里奚之於秦未嘗諫而去龍逢之於夏比干之於殷則死於諫而不去何也

甚事有輕重勢有可否君子以禮為守以義為行迹雖不同其趨一也

子之事親也三諫

而不聽則號泣而隨之

呂氏曰君臣義合也父子天合也君臣其合也與父子同其不

合也去之與父子異也

號平聲

君有疾飲藥臣先嘗之親有疾飲藥

子先嘗之醫不三世不服其藥

呂氏曰醫三世治人多用物熟矣功已試而無

疑然後服之亦謹疾之道也

佯人必於其倫

疏曰不得以貴比賤為不敬也方氏曰禹稷

顏回時不同矣孔子俱以為賢佯之以道也夷惠伊尹迹不同矣孟子俱以為聖佯之以心也子夏以有若似

孔子徒儼之以貌而已不知聖賢之德不倫也公孫丑以管仲比孟子徒儼之以位而已不知王霸之道不倫

也 擬與擬同音又疑義二音比也僭也俗本混作擬擬像也揣度也與擬小異

問天子之年

對曰聞之始服衣若干尺矣

若如也未定之辭數始於一而成於十十字從一從

十故言若干謂或如一或如十凡數之未定者皆可言顏註食貨志云十箇也謂當如此箇數意亦近之問

國君之年長曰能從宗廟社稷之事矣幼曰未能從宗

廟社稷之事也

為國以禮而禮莫重於祭宗廟社稷事無有先於此者能則知其長未能則知

其問大夫之子長曰能御矣幼曰未能御也

古者五十命為大夫

故不問其年而問其子之長幼御謂御車也御者六藝之一幼則未能疏曰御謂主事也官有世功子學父

素故有御事之因

問士之子長曰能典謁矣幼曰未能典謁也

謁請也典謁者主賓客告請之事士賤無臣下自典告也問庶人之子長曰能負薪

矣幼曰未能負薪也

負薪者庶人力役之事長則能

問國君之富數地

以對山澤之所出

數地舉其土地之廣狹如百里七十里五十里各言之也山澤所出如魚

鹽蜃蛤金玉錫石之類也數工聲

問大夫之富曰有宰食力祭器衣服

不假

宰邑宰也有宰則有采地矣食力謂食下民賦稅之力衣服祭服也采去聲

問士之富

以車數對

工士三命得賜車馬故問士富則以車數對也

問庶人之富數畜以

對

庶人受田有定制惟畜牧之多寡在乎人故數畜以對也數工聲畜許又切

天子祭天地

祭四方祭山川祭五祀歲徧諸侯方祀祭山川祭五祀

歲徧大夫祭五祀歲徧士祭其先

呂氏曰此章泛論祭祀之法冬日至祭天

夏日至祭地四時各祭其方以迎氣又各望祭其方之山川五祀則春祭戶夏祭竈季夏祭中雷秋祭門冬祭行此所謂歲徧諸侯有國國必有方祭其所居之方而已非所居之方及山川不在境內者皆不得祭故曰方祀祭法天子立七祀加以司命泰厲諸侯五祀有司命公厲而無戶竈大夫三祀有族厲而無中雷戶竈士二祀則門行而已是法考於經皆不合曾子問天子未殯五祀之祭不行士喪禮禱於五祀則自天子至士皆祭五祀祭法言涉恠妄不經至於所稱廟制亦不與諸經合

論去聲凡祭有其廢之莫敢

舉也有其舉之莫敢廢也非其所祭而祭之名曰淫祀

淫祀無福

呂氏曰廢之莫敢舉如已毀之宗廟燹置之社稷不可復祀也舉之莫敢廢如已修之壇

埠而輒毀已正之昭穆而輒變也非所祭而祭之如法
不得祭與不當祭而祭之者也魯立武宮立煬宮舉其
廢也濟僖公廢其舉也魯之郊禘與祀文王祀爰居祭
所不當祭也淫過也以過事神神弗享也故無福方
氏曰可廢而廢可舉而舉者存乎義因所廢而莫敢
舉因所舉而莫敢廢者存乎禮蓋禮有經義有權也天

子以犧牛諸侯以肥牛大夫以索牛士以羊豕

毛色純而不雜

曰犧養於滌者曰肥求得而用之曰索

疏曰此謂天子大夫士則用特牲其喪

祭則大夫亦得用牛士亦用羊豕故雜記云工大夫之

虞也少牢卒哭成事祔皆太牢下大夫之虞也特牲卒

哭成事祔皆少牢是也索音色取也求也本音昔各

切繩也荒也盡也與此不同俗混讀少去聲大牢之大

音支子不祭祭必告於宗子

疏曰支子庶子也祖禰廟在適子之家庶子賤不敢

輒祭若宗子有疾不堪當祭則庶子代攝可也猶必告於宗子然後祭呂氏曰別子為祖繼別為宗百世不

遷者大宗也繼祖繼祖繼曾祖繼高祖五世則遷者小宗也宗子工繼祖攝族人兄弟皆宗之冠娶妻必告死

必赴況於祭乎所宗乎宗子者皆支子也支子不敢祭也如諸侯不敢祖天子大夫不敢祖諸侯尊者之祭非

卑者所敢尸也故宗子為士庶子為大夫以上牲祭於宗子之家祝曰孝子某為介子某薦其常事則支子雖

貴可以用其祿而不敢專其事也宗子去在他國則支子攝主以祭其禮有殺別必列切冠為介之為殺並

去聲凡祭宗廟之禮牛曰一元大武此以下凡二十一物元頭也武足迹也牛

肥則豕曰剛鬣豕肥則鬣剛豚曰腍肥腍者充滿之貌羊曰柔

毛羊肥則毛細而柔弱雞曰翰音翰長也雞則鳴聲長犬曰羹獻犬肥則

以獻凡煮肉皆謂之羹特牲禮云
羹任穎考叔曰未嘗君之羹是也
雉曰䟽趾雉肥則兩足開張故

曰䟽趾
疏音疎
兔曰明視免肥則目開而視明故曰明視
脯曰尹祭尹正也脯欲剪

割方正
鋪為花貌謂之剪
彙魚曰商祭彙乾也商度也商度其燥濕之宜彙音考乾

音干度
鮮魚曰脰祭脰直也魚之鮮者不餒敗則脰然而直
水曰

清滌水主酒也水可溉濯故曰清滌
酒曰清酌古之酒醴皆有清有稽未泝者為稽既泝者為

清也
荳泝醢酒也泝音擠
黍曰薌合黍熟則黏聚不散其氣又香故曰薌合
梁

曰薌其梁穀之强者其莖葉亦香故曰薌其其音基
稷曰明粢稷粟也明則足

祀之飯謂之粢粢音咨盛平聲
稻曰嘉蔬蔬與疏同立苗蔬則茂盛嘉美也
韭曰豐

本

其根本豐盛也

鹽曰鹹醢

鹹醢鹽味之厚也醢才何切

玉曰嘉玉

無瑕之玉也

幣曰量幣

中廣狹長短之度也祭並有則舉其大者或惟有犬雞惟有魚兔

則各舉其號故經備載其名中聲

天子死曰崩諸侯曰薨大夫曰卒

士曰不祿庶人曰死在牀曰尸在棺曰柩羽鳥曰降四

足曰漬死寇曰兵

疏曰卒終竟也士祿以代耕不祿不終其祿也死者漸也消盡無餘之謂

尸陳也古人病用氣未絕之時下置在地氣絕之後更還牀上所以如此者凡人初生在地病將死故下復其

初生冀得脫死重生也若其不生復反本牀既未殯歛陳列在牀故曰尸也呂氏曰柩久也化者無使土

親膚故在棺欲其久也羽鳥飛翔之物降而下則死矣獸能動之物腐敗則死矣漬謂其體腐敗漸漬也兵者

死於寇難之稱也

清音自

祭王父曰皇祖考王母曰皇祖妣父曰

皇考母曰皇妣夫曰皇辟

曰皇曰王皆以君之稱尊之也考成妣嬖辟法也妻所法

式也為之宗廟以鬼享之不

得_{不異其稱謂也}辟_{音壁}生曰父曰母曰妻死曰考

曰妣曰嬪壽考曰卒短折曰不祿

嬪者婦人之美稱嬪猶賓也夫所賓敬也

短折夭橫而死也此言卒與不祿與工丈大夫士之稱同者彼以位之尊卑言此以數之修短言也又按呂氏說死寇曰兵之下當以此二句承之蓋錯簡也謝氏曰易曰有子考無咎又曰意承考也又書言事厥考厥長之類皆非死而後稱蓋古者通稱後世乃異之耳折市設切橫去聲

天子視不上於祫

不下於帶國君綏視大夫衡視士視五步

天子視謂視天子也祫朝

服祭服之曲領也綏頤下之貌視國君者目不得平看於面當視其面之下袷之上也衡平也大夫之臣視大夫平看其面也士視五步者士之屬吏視士亦不得高面下帶而得旁視左右五步之間也袷音劫綏音安

凡視工於面則教下於帶則憂傾則姦

呂氏曰工於面者其氣驕知其

不能以下人矣下於帶者其神奪知其憂在乎心矣視流則容側必有不正之心存乎胷中矣此君子之所以

慎也

教音傲

君命大夫與士肄在官言官在府言府在庫言

庫在朝言朝

人君有命令則大夫士相與肄習之其事或在官或在府或在庫或在朝隨其所在

而謀議之官者職守司存之總名府庫者貨器藏貯之異號朝則君臣會見之公庭也肄音異朝音潮下並

同朝言不及犬馬

犬馬微賤不當言之於朝

輟朝而顧不有異事必

有異慮故輟朝而顧君子謂之固

朝儀當肅不宜為左右之顧異猶他也敬

心不存則形諸外此所以知其有他事他慮也固謂鄙野不達於禮也

在朝言禮問禮對

以禮

朝廷之上凡所當言者皆禮也一問一對必稽於禮孔子在宗廟朝廷便言唯謹爾盡此道也

便平聲

大享不問卜不饒富

呂氏曰冬至祀天夏至祭地日月素定故不問卜至敬不

壇掃地而祭牲用犢酌用陶匏席用藁秸視天下之物無以稱其德以少為貴馮故不饒富

稱去聲凡

摯天子鬯諸侯圭卿羔大夫鴈士雉庶人之摯匹童子

委摯而退野外軍中無摯以纓拾矢可也

摯與贊同執物以為相見

之禮也史釀秬黍為酒曰秬鬯和以鬱金之草則曰鬱鬯不以鬱和則直謂之鬯言其芬香條暢於工下也天

子無客禮而言摯者用以禮見於神而已圭命圭也公桓圭侯信圭伯躬圭子穀璧男蒲璧此不言璧略也羔取其羣而不失類且潔素也鴈取其知時且飛有行列也雉取其性之耿介且文飾也匹讀為驚野鴨曰鳬家鴨曰鶩不能飛騰如庶人之終守耕稼也童子不敢與成人為禮或見師友而執摯則奠委于地而自退避之也纓馬之繁纓即馬鞅也拾射犄也天箭也或野外或軍中隨所有用之也 匹音木和去聲見音現信音申

行音杭

婦人之摯棋棊脯脩棗栗


棋形似珊瑚味甜美一名石李棊似栗而

小脯即今之脯也脩用肉煨治加薑桂乾之脯形方正脩形稍長并棗栗六物婦初見舅姑以此為摯也左傳女贄不過榛栗棗脩以告度也 棋音矩乾音干 納女於天子曰備百姓於國君

曰備酒漿於大夫曰備埽灑

呂氏曰不敢以伉儷自期願備妾媵之數而已皆自

卑之辭也 婦
去聲 灑所買切



禮記集說卷一